

斷句
校正

白香山詩集

塾卿署



白香山詩後集卷三

格詩

凡五十首

詠興五首

并序

七年四月予罷河南府歸履道第廬舍自給衣儲自充無欲無營或歌或舞頽然自適蓋河洛間一幸人也遇興發詠偶成五章各以首句命為題目

解印出公府

解印出公府。抖擻塵土衣。百吏放爾散。雙鶴隨我歸。歸來履道宅。下馬入柴扉。馬嘶返舊櫪。鶴舞還故池。雞犬何忻忻。鄰里亦依依。年顏老去日。生計勝前時。有帛禦冬寒。有穀防歲飢。飽於東方朔。樂於榮啓期。人生且如此。此外吾不知。

出府歸吾廬

出府歸吾廬。靜然安且逸。更無客干謁。時有僧問疾。家僮十餘人。樞馬三四匹。慵發經旬卧。興來連日出。出遊愛何處。嵩碧伊瑟瑟。況有清和天。正當疎散日。身閒自為貴。何必居榮秩。心足即非貧。豈唯金滿室。吾觀權勢者。苦以身徇物。炙手外炎炎。履水中慄慄。朝飢口忘味。夕惕心憂失。但有富貴名。而無富貴實。

池上有小舟

池上有小舟。舟中有胡牀。牀前有新酒。獨酌還獨嘗。熏若春日氣。皎如秋水光。可洗
機巧心。可蕩塵垢腸。岸曲舟行遠。一曲進一觴。未知幾曲醉。醉入無何鄉。賓緣潭島
間。水竹深青蒼。身閒心無事。白日為我長。我若未忘世。雖閒心亦忙。世若未忘我。雖
退身難藏。我今異於是。身世交相忘。

四月池水滿

四月池水滿。龜游魚躍出。吾亦愛吾池。池邊開一室。人魚雖異族。其樂歸於一。且與
爾為徒。逍遙同過日。爾無羨滄海。蒲藻可委質。吾亦忘青雲。衡茅足容膝。況吾與爾
輩。本非蛟龍匹。假如雲雨來。祇是池中物。

小庭亦有月

小庭亦有月。小院亦有花。可憐好風景。不解嫌貧家。菱角執笙簧。谷兒抹琵琶。紅綃
信手舞。紫綃隨意歌。菱谷紫紅當小絨。獲名也。邛歌與社舞。客哂主人誇。但問樂不樂。豈在鐘鼓
多。客告暮將歸。主稱日未斜。請客稍深酌。願見朱顏酡。客知主意厚。分數隨後加。堂
上燭未束。座中冠已峨。左顧短紅袖。右命小青蛾。長跪謝貴客。蓬門勞見過。客散有
餘興。醉卧獨吟哦。幕天而席地。誰奈劉伶何。

秋涼閒卧

殘暑畫猶長。早涼秋尚嫩。露荷散清香。風竹含疎韻。幽閒竟日卧。衰病無人問。薄暮
宅門前。槐花深一寸。

酬思黯相公見過散居戲贈

軒蓋先照地。行人為徘徊。呼傳君子出。乃是故人來。訪我入窮巷。引君登小臺。臺前
多竹樹。池上無塵埃。貧家何所有。新酒三兩杯。款曲語上馬。從容復遶迴。留守不外
宿。日斜宮漏催。但留金刀贈。未接玉山頽。家醞不敢惜。待君來即開。邛妓不辭出。恐
君羈然哈。

再授賓客分司

優穩四皓官。清崇三品列。伊予再廢泰。內魏非才智。俸錢七八萬。給受無虛月。分命
在東司。又不勞朝謁。既資閒養疾。亦賴慵藏拙。賓友得從容。琴觴恣怡悅。乘籃城外
去。繫馬花前歇。六遊金谷春。五看龍門雪。吾若默無語。安知吾快活。吾欲更盡言。復
恐人豪奪。應為時所笑。古惜分司闕。但問適意無。豈論官冷熱。

把酒

把酒仰問天。古今誰不死。所貴未死間。少憂多歡喜。窮通諒在天。憂喜即由己。是故
達道人。去彼而取此。勿言未富貴。久忝居祿仕。借問宗族間。幾人拖金紫。勿憂漸衰

老且喜加年紀。試數班行中。幾人及暮齒。朝餐不過飽。五鼎徒爲爾。夕寢止求安。一食而已矣。此外皆長物。解去物於我雲相似。有子不留金。何況兼無子。

首夏

林靜蚊未生。池靜蛙未鳴。景長天氣好。竟日和且清。春禽餘哢在。夏木新陰成。兀爾水邊坐。翛然橋上行。自問一何適。身閒官不輕。料錢隨月用。生計逐日營。食飽慙伯夷。酒足媿淵明。陶潛詩云。飲酒常不足。壽俗顏氏子。富百黔婁生。有一卽爲樂。况吾四者并。所以私自慰。雖老有心情。

代鶴

我本海上鶴。偶逢江南客。感君一顧恩。同來洛陽陌。洛陽豪族類。皎皎唯兩翼。貌是天與高。色非日浴白。王人誠可戀。其奈軒庭窄。飲啄雖難羣。年深損標格。故鄉渺何處。雲水重重隔。誰念深籠中。七換摩天翮。

立秋夕有懷夢得

露簾荻竹青。風扇蒲葵輕。一與故人別。再見新蟬鳴。是夕涼飈起。開境入幽情。迴燈見棲鶴。隔竹聞吹笙。夜茶一兩杓。秋吟三數聲。所思渺千里。雲水長洲城。

哭崔常侍晦叔

頑賤一拳石。精珍百鍊金。名價既相遠。交分何其深。中誠一以合。外物不能侵。逶迤二十年。與世同浮沈。晚有退閒約。白首歸雲林。垂老忽相失。悲哉口語心。春日高陽。一作春日秋夜清洛陰。丘園共誰卜。山水共誰尋。風月共誰賞。詩篇共誰吟。花開共誰看。酒熟共誰斟。惠死莊杜口。鍾歿師廢琴。道理使之然。從古非獨今。吾道自此孤。我情安可任。唯將病眼淚。一灑秋風襟。

新秋晚興

濁暑忽已退。清宵未全長。晨缸耿殘燄。宿閣凝微香。嚶嚶雞下樹。輝輝日上梁。枕低茵席軟。臥穩身入牀。睡足景猶早。起初風乍涼。展張小屏障。收拾生衣裳。還有惆悵事。遲遲未能忘。拂鏡梳白髮。可憐冰照霜。

秋日與張賓客舒著作同遊龍門醉中狂歌凡二百三十八字

秋天高高秋光清。秋風嫋嫋秋蟲鳴。嵩峰餘霞錦綺卷。伊水細浪鱗甲生。洛陽閒客知無數。少出遊山多在城。商嶺老人自追逐。蓬丘逸士相逢迎。南出鼎門十八里。莊店遷迤橋道平。不寒不熱好時節。鞍馬穩快衣衫輕。並轡踟躕下西岸。扣舷容與繞中汀。開懷曠達無所繫。觸目勝絕不可名。荷衰欲黃荇猶綠。魚樂自躍鷗不驚。翠藻蔓長孔雀尾。彩船櫓急寒雁聲。家醞一壺白玉液。野花數把黃金英。晝遊四看西日

暮夜話三及東方明。暫停杯觴輟吟詠。我有狂言君試聽。大夫一生有二志。兼濟獨善難得并。不能救療生民病。即須先濯塵土纓。況吾頭白眼已暗。終日戚促何所成。不如展眉開口笑。龍門醉卧香山行。

履信池櫻桃島上醉後走筆送別舒員外兼寄宗正李卿考功崔郎中

櫻桃島前春。去春花萬枝。忽憶與宗卿閒飲日。又憶與考功狂醉時。歲晚無花空有葉。風吹滿地乾重疊。蹋葉悲秋復憶春。池邊樹下重殷勤。今朝一酌臨寒水。此地三回別故人。櫻桃花來春千萬。朶來春共誰花下坐。不論崔李上青雲。明日舒三亦拋我。

秋池獨泛

蕭疎秋竹籬。清淺秋風池。一隻短舫艇。一張斑鹿皮。皮上有野蔓。手中持酒卮。半酣箕踞坐。自問身為誰。嚴子垂釣日。蘇門長嘯時。悠然意自得。意外何人知。

冬日早起閒詠

冰塘耀初旭。風竹飄餘霰。幽境雖目前。不因閒不見。晨起對爐香。道經尋兩卷。晚坐拂琴塵。秋思彈一遍。此外更無事。開尊時自勸。何必東風來。一杯春上面。

歲暮

慘澹歲云暮。窮陰動經旬。霜風裂人面。冰雪摧車輪。而我當是時。獨不知苦辛。晨炊廩有米。夕爨厨有薪。夾帽長覆耳。重裘寬裹身。加之一杯酒。煦嫗如陽春。洛城士與庶。比屋多飢貧。何處爐有火。誰家甑無塵。如我飽煖者。百人無一人。安得不慙媿。放歌聊自陳。

南池早春有懷

朝遊北橋上。晚憩南塘畔。西日雪全銷。東風冰盡泮。蓂蓂魚尾掉。鶯鶯鵝毛換。泥暖草芽生。沙虛泉脈散。晴芳冒苔島。宿潤侵蒲岸。浴下日初長。江南春欲半。時光共拋擲。人事堪嗟歎。倚權忽尋思。去年池上伴。

古意

脈脈復脈脈。美人千里隔。不見來幾時。瑤草三四碧。玉琴聲悄悄。鸞鏡塵羃羃。昔為連理枝。今作分飛翮。寄書多不達。加飯終無益。心腸不自寬。衣帶何由窄。

山遊示小妓

雙鬟垂未合。三十纔過半。本是綺羅人。今為山水伴。春泉共彈弄。好樹同攀翫。笑容花底迷。酒思風前亂。紅凝舞袖急。黛慘歌聲緩。莫唱楊柳枝。無腸與君斷。

神照禪師同宿

八年三月晦。山梨花滿枝。龍門水西寺。夜與遠公期。晏坐自相對。密語誰得知。前後際斷處。一念不生時。

張常侍相訪

西亭晚寂寞。鶯散柳陰綠。水戶簾不卷。風牀席自翻。忽聞車馬客。來訪蓬蒿門。況是張常侍。安得不開尊。

早夏遊宴

雖慵興猶在。雖老心猶健。昨日山水遊。今朝花酒宴。石榴豔似火。玉蕊飄如霰。榮落逐瞬遷。炎涼隨刻變。未收木綿褥。已動蒲葵扇。且喜物與人。年年得相見。

感白蓮花

白白芙蓉花。本生吳江濱。不與紅者雜。色類自區分。誰移爾至此。姑蘇白使君。初來苦顛顚。久乃芳氛氤。月月葉換葉。年年根生根。陳根與故葉。銷化成泥塵。化者日已遠。來者日復新。一為池中物。永別江南春。忽想西涼州。中有天寶民。埋沒漢父祖。孳生胡子孫。已忘鄉土戀。豈念君親恩。生人尚復爾。草木何足云。

詠所樂

獸樂在山谷。魚樂在陂池。蟲樂在深草。鳥樂在高枝。所樂雖不同。同歸適其宜。不以

彼易此。況論是與非。而我何所樂。所樂在分司。分司有何樂。樂哉人不知。官優有祿料。職散無羈縻。嬾與道相近。鈍將閒自隨。昨朝拜表迴。今晚行香歸。歸來北窗下。解巾脫塵衣。冷泉灌我頂。暖水濯四肢。體中幸無疾。卧任清風吹。心中又無事。坐任白日移。或開書一篇。或飲酒一卮。但得如今日。終身無歇時。

思舊

閒日一思舊。舊遊如目前。再思今何在。零落歸下泉。退之服流黃。一病訖不痊。微之鍊秋石。未老身遽然。杜子得丹訣。終日斷腥羶。崔君誇藥力。經冬不衣綿。或疾或暴夭。悉不過中年。唯余不服食。老命反遲延。況在少壯時。亦為嗜欲牽。但耽葷與血。不識汞與鉛。飢來吞熟物。渴來飲寒泉。詩役五藏神。酒汨三丹田。隨日合破壞。至今粗完全。齒牙未缺落。肢體尚輕便。已開第七秩。飽食仍安眠。且盡杯中物。其餘皆付天。

寄盧少尹

老誨心不亂。莊誠形太勞。生命既能保。死籍亦可逃。嘉穀與旨酒。信是腐腸膏。豔聲與麗色。真為伐性刀。補養在積功。如裘集衆毛。將欲致千里。可得差一毫。心不亂形太勞至差一毫。皆出老莊。諸道書仙方禁誡。顏回何為者。單瓢纔自給。肥醲不到口。年不登三十。張倉何為者。

染愛浩無際。妾媵填後房。竟壽百餘歲。蒼壽有何德。回天有何辜。誰謂具聖體。不如

肥瓠軀。遂使世俗心。多疑仙道書。寄問盧先生。此理當何如。

池上清晨候皇甫郎中

曉景麗未熱。晨飈鮮且涼。地幽綠蘋合。霜潔白蓮香。深掃竹間徑。靜拂松下牀。玉柄鶴翎扇。銀鬕雲母漿。屏除無俗物。瞻望唯清光。何人擬相訪。羸女從蕭郎。

詠雪

我知世無幻。了無干世意。世知我無堪。亦無責我事。由茲兩相忘。因得長自遂。自遂意何如。閒官在閒地。閒地唯東都。東都少名利。閒官是賓客。賓客無牽累。嵇康日日嬾。畢卓時時醉。酒肆夜深歸。僧房日高睡。形安不勞苦。神泰無憂畏。從官三十年。無如今氣味。鴻雖脫羅弋。鶴尚居祿位。唯此未忘懷。有時猶內媿。

北窗三友

今日北窗下。自問何所為。欣然得三友。三友者為誰。琴罷輒舉酒。酒罷輒吟詩。三友遞相引。循環無已時。一彈愜中心。一詠暢四肢。猶恐中有閒。以醉彌縫之。豈獨吾拙好。古人多若斯。嗜詩有淵明。嗜琴有啓期。嗜酒有伯倫。三人皆吾師。或乏儋石儲。或穿帶索衣。絃歌復觴詠。樂道知所歸。三師去已遠。高風不可追。三友遊甚熟。無日不相隨。左擲白玉卮。右拂黃金徽。興酣不疊紙。走筆操狂詞。誰能持此詞。為我謀親知。

縱未以為是。豈以我為非。

吟四雖雜言

酒酣後歌歎時。請君添一酌。聽我吟四雖。年雖老。猶少於韋長史。命雖薄。猶勝於鄭長水。眼雖病。猶明於徐郎中。家雖貧。猶富於郭庶子。省躬審分何僥倖。值酒逢歌且歡喜。忘榮知足委天和。亦應得盡生生理。

分司同官中。韋長史。年七十餘。郭庶子。求貧苦最甚。徐郎中。晦因疾喪明。余為河

南尹時。見同年鄭俞。始我長水。縣令。因數四子。而成此篇也。

裴侍中晉公以集賢林亭即事詩二十六韻見贈猥蒙徵和才拙詞繇輒廣為五百言以伸酬獻

三江路千里。五湖天一涯。何如集賢第。中有平津池。池勝主見覺。景新人未知。竹森翠琅玕。水深洞琉璃。水竹以為質。質立而文隨。文之者何人。公來親指麾。疏鑿出人意。結構得地宜。虛襟一搜索。勝概無遁遺。因下張沼沚。依高築階基。嵩峰見數片。伊水分一支。南溪修且直。長波碧逶迤。北館壯復麗。倒影紅參差。東島號晨光。果曜迎朝曦。西嶺名夕陽。杳曖留落暉。前有水心亭。動蕩架漣漪。後有開闔堂。寒溫變天時。幽泉鏡泓澄。怪石山欹危。

已上八所。各具本名。

春葩雪漠漠。

謂香花。

夏果珠離離。

謂櫻桃。

主人命方舟。死在水中坻。親賓次第至。酒樂前後施。解纜始登汎。山遊仍水嬉。沿洄無滯礙。向

背窮幽奇。瞥過遠橋下。飄旋深澗陁。管絃去縹緲。羅綺來霏微。權風逐舞迴。梁塵隨
歌飛。宴餘日云暮。醉客未放歸。高聲索彩牋。大笑催金卮。唱和筆走疾。問答杯行遲。
一詠清兩耳。一酣暢四肢。主客忘貴賤。不知俱是誰。客有詩魔者。吟哦不知疲。乞公
殘紙墨。一掃狂歌詞。維云社稷臣。赫赫文武姿。十授丞相印。五建大將旗。四朝致勛
華。一身冠皐夔。去年才七十。決赴懸車期。公志不可奪。君恩亦難違。從容就中道。俛
僂來保釐。貂蟬雖未脫。鸞鳳已不羈。歷徵今與古。獨步無等夷。陸賈功業少。二疏官
秩卑。乘舟范蠡懼。辟穀留侯飢。宣若公今日。身安家國肥。羊祜在漢南。空留峴首碑。
柳惲在江南。祇賦汀洲詩。謝安入東山。但說携蛾眉。山簡醉高陽。唯聞倒接離。豈如
公今日。餘力兼有之。願公壽如山。安樂長在茲。願我比蒲稗。永得相相依。謝靈運詩云。蒲稗相

因依。○立名。按顧語。陽秋。張衡詩。客賦。醉言歸。主稱露未晞。白詩。有客告暮將歸。主稱日未斜。載觀此注。可見公極平易。句亦必有本。蓋唐人最重文選也。

晚歸香山寺因詠所懷

我年日已老。我身日已閒。閒出都門望。但見水與山。闌塞碧巖巖。伊流清潺潺。中有
古精舍。軒戶無扃闥。岸草歇可藉。徑蘿行可攀。朝隨浮雲出。夕與飛鳥還。吾道本迂
拙。世途多險艱。嘗聞松蘿叢。尤悔生疎頑。巢悟入冥顧。皓知返商顏。豈唯樂肥遯。聊
復祛憂患。吾亦從此去。終老伊嵩間。

立名按劇談錄樂天為少傅。分務洛師。情興高逸。處尚書簡。鮮有別墅。近枕伊水。冬日與羣從子姪同遊。倚欄眺嵩洛。俄而霰雪微下。情興益高。因詰廉家金陵。常記江南烟水。每見居人。以葉舟浮泛。就食菰米鱸魚。近來思之。如在心目。良久忽見二人。衣義笠。倚岸而來。牽引蓬艇。船頭覆青幕。中有白衣人。與袖僧偶坐。船後有小窻。安桐數。此角重煮茗。汴流過于檻前。舟中吟嘯。方酣。問之。乃是有白傳與僧佛光。自建春門往香山精舍。此一段可謂天然圖畫。

張常侍池涼夜閒燕贈諸公

竹橋新月上。水岸涼風至。對月五六人。管絃三兩事。留連池上酌。欵曲城外意。或嘯或謳吟。誰知此閒味。迴看市朝客。矻矻趨名利。朝忙少遊宴。夕困多眠睡。清涼屬吾徒。相逢勿辭醉。

和皇甫郎中秋晚同登天宮閣言懷六韻

碧天忽已高。白日猶未短。玲瓏曉樓閣。清脫秋絲管。張翰一杯酣。嵇康終日懶。塵中足憂累。雲外多疏散。病木斧斤遺。冥鴻羈絆斷。逍遙二三子。永願為閒伴。

送呂漳州

今朝一壺酒。言別漳州牧。半自要閒遊。愛花憐草綠。花前下鞍馬。草上携絲竹。行客飲數杯。主人歌一曲。端居惜風景。屢出勞僮僕。獨醉似無名。借君作題目。

短歌行

世人求富貴。多為奉嗜欲。盛衰不自由。得失常相逐。問君少年日。苦學將干祿。負爰

塵中遊抱書雪前議布衾不周體黎茄纔充腹三十登宦途五十被朝服奴溫新挾
纊馬肥初食粟未敢議歡遊尚為名檢束耳目聾暗後堂上調絲竹牙齒缺落時盤
中堆酒肉彼來此已去外餘中不足少壯與榮華相避如寒燠青雲去地遠白日經
天速從古無奈何短歌聽一作空一曲

詠懷

高人樂丘園中人慕官職一事尚難成兩途安可得遑遑千世者多苦時命塞亦有
愛閒人又為窮餓逼我今幸雙遂祿仕兼游息未嘗羨榮華不省勞心力妻孥與婢
僕亦免愁衣食所以吾一家面無憂喜色

府西亭納涼歸

避暑府西亭晚歸有閒思夏淺蟬未多綠槐陰滿地帶寬衫解領馬穩人攏轡面上
有涼風眼前無俗事路經府門過落日照官次牽聯縹緲因奔走塵埃吏低眉悄不
語誰復知茲意憶得五年前晚衙時氣味

老熱

一飽百情足一酣萬事休何人不衰老我老心無憂仕者拘職役農者勞田疇何人
不苦熱我熱身自由卧風北窗下坐月南池頭腦涼脫烏帽足熱濯清流慵發晝高

枕興來夜汎舟。何乃有餘適。祇緣無過求。或問諸親友。樂天是與不。亦無別言語。多道太悠悠。悠悠君不知。此味深且幽。但恐君知後。亦來從我遊。

新秋喜涼因寄兵部楊侍郎

外強火未退。中銳金方戰。一夕風雨來。炎涼隨數變。徐徐炎景度。稍稍涼颼扇。枕簟忽淒清。中裳亦輕健。老夫納秋候。心體殊安便。睡足一屈伸。搔首摩挲面。塞簾對池竹。幽寂如僧院。俯觀游魚羣。仰數浮雲片。閒忙各有趣。彼此甯相見。昨日閉幕巢。召對延英殿。

懶放二首呈劉夢得吳方之

青衣報平旦。呼我起盥櫛。今早天氣寒。郎君應不出。又無賓客至。何以銷閒日。已向微陽前。暖酒開詩帙。

朝憐一牀日。暮愛一爐火。牀暖日高眠。爐溫夜深坐。崔羅門嬾出。鶴髮頭慵裹。除却劉與吳。何人來問我。

六十六

病知心力減。老覺光陰速。五十八歸來。今年六十六。鬢絲千萬白。池草八九綠。童稚盡成人。園林半喬木。看山倚高石。引水穿深竹。雖有潺湲聲。至今聽未足。

三適贈道友

褐綾袍厚暖。臥益行坐披。紫氍毹寬穩。蹇步頗相宜。足適已忘履。身適已忘衣。況我心又適。兼忘是與非。三適合為一。怡怡復熙熙。禪那不動處。混沌未鑿時。此固不可說。為君強言之。

洛陽春贈劉李二賓客

齊梁格

水南冠蓋地。城東桃李園。雪消洛陽堰。春入永通門。淑景方靄靄。遊人稍喧喧。年豐酒漿賤。日晏歌吹繁。中有老朝客。華髮映朱軒。從容三兩人。藉草開一尊。尊前春可惜。身外事勿論。明日期何處。杏花遊趙邨。

洛城東有趙村杏花千餘樹。

寒食

人老何所樂。樂在歸鄉園。我歸故園來。九度逢寒食。故園在何處。池館東城側。四鄰梨花時。二月伊水色。豈獨好風土。仍多舊親戚。出去恣歡遊。歸來聊燕息。有官供祿俸。無事勞心力。但恐優穩多。微躬銷不得。

寄李蘇州兼示楊瓊

真娘墓頭春草碧。心奴鬢上秋霜白。為問蘇臺酒席中。使君歌笑與誰同。就中猶有楊瓊在。堪上東山伴謝公。